
BWRDD GWASANAETHAU CYHOEDDUS CONWY

Dydd Llun, 11 Ebrill 2016 am 2.00 pm
Gwasanaethau Tân ac Achub Gogledd Cymru, Llanelwy

YN BRESENNOL:	Iwan Davies (Cadeirydd)	Cyngor Bwrdeistref Sirol Conwy (CBSC)
	Bethan Jones	Bwrdd Iechyd Prifysgol Betsi Cadwaladr (BIPBC)
	Y Cyngorydd Dilwyn Roberts	Cyngor Bwrdeistref Sirol Conwy (CBSC)
	Simon Smith	Gwasanaeth Tân ac Achub Gogledd Cymru (GTAGC)
	Siân Williams	Cyfoeth Naturiol Cymru (CNC)
Hefyd yn bresennol:	Mohammed Mehmet	Cyngor Sir Ddinbych (CSDd)
	Cyngorydd Hugh Jones	Cyngor Sir Ddinbych
Swyddogion:	Siân Harland	Swyddog Gwasanaethau Pwyllgor (CBSC)
	Euros Jones	Rheolwr Partneriaethau (CNC)
	Nicola Kneale	Swyddog Cynllunio a Pherfformiad Strategol (CSDd)
	Fran Lewis	Rheolwr Perfformiad a Gwelliant Corfforaethol (CBSC)
	Nigel McCann	Cyfarwyddwr Cyllid Cynorthwyol (BIPBC)
	Shan Morris	Rheolwr Cynllunio Corfforaethol (GTAGC)
	Hannah Rigby	Swyddog Datblygu Bwrdd Gwasanaethau Lleol (CBSC)

1. YMDDIHEURIADAU AM ABSENOLDEB

Dim.

2. CYTUNO AR GYLCH GORCHWYL

Cytunwyd y byddai'r Cylch Gorchwyl drafft yn cael ei ohirio, tra'n aros am ganlyniad y cynnig i greu Bwrdd Gwasanaethau Cyhoeddus ar y cyd gyda Sir Ddinbych. Pe cytunwyd i greu Bwrdd Gwasanaethau Cyhoeddus ar y Cyd, byddai Cylch Gorchwyl drafft yn cael ei ystyried fel rhan o raglen y Cyfarfod y Cyd.

PENDERFYNWYD-

Gohirio'r Cylch Gorchwyl drafft.

3. **CYNNIG I GREU BWRDD GWASANAETHAU CYHOEDDUS AR Y CYD GYDA SIR DDINBYCH**

Cytunodd y partneriaid i greu Bwrdd wedi'i uno gyda Bwrdd Gwasanaethau Cyhoeddus Sir Ddinbych. Roedd papurau'r Bwrdd yn cynnwys y wybodaeth ddemograffig amlinellol a ddrafftwyd i ddechrau ar y gwaith ar gyfer yr Asesiad Lles. Roedd y rhesymeg dros uno'n seiliedig ar y gydnabyddiaeth fod y ddwy sir yn rhannu anghenion cymunedol tebyg y gellid ymdrin â nhw'n fwyaf effeithiol drwy gydweithio ar draws y ddwy sir. Gallai Bwrdd wedi'i uno fanteisio ar y gwaith da a'r perthnasau a ddatblygwyd trwy hen Fwrdd Gwasanaethau Lleol Conwy a Sir Ddinbych, a byddai'n cynnig manteision gweithredol, tactegol a strategol o fewn ac ar draws rhanbarth canolog Gogledd Cymru a byddai felly'n cynorthwyo wrth gyfrannu at gyflawni'r amcanion lles, sef: -

- Cymru lewyrchus
- Cymru wydn
- Cymru iachach
- Cymru fwy cyfartal
- Cymru o gymunedau cydlynol
- Cymru lle mae diwylliant bywiog a'r iaith Gymraeg yn ffynnu
- Cymru sy'n gyfrifol yn fyd-eang

PENDERFYNWYD-

Uno Bwrdd Gwasanaethau Cyhoeddus Conwy gyda Bwrdd Gwasanaethau Cyhoeddus Sir Ddinbych, gan y byddai Bwrdd wedi'i uno'n cynorthwyo i gyfrannu at gyflawni nodau lles.